

Documentación que deberán presenta-los licitadores.

-No sobre de documentación económica: a establecida na cláusula 8.2 do prego de cláusulas administrativas.

-No sobre da documentación persoal: a documentación sinalada na cláusula 8.3 do prego de cláusulas administrativas polas que rexe a adxudicación do contrato.

-No sobre da documentación de referencias técnicas: a establecida na cláusula 8.4 do prego de cláusulas administrativas.

Criterios de adxudicación.

Os definidos na cláusula 11 do prego de cláusulas administrativas particulares que rexe o presente concurso.

Apertura de proposicións.

Será realizada pola mesa de contratación nas dependencias da División de Recursos Económicos, a partir das 9 horas do décimo primeiro día natural seguinte ó peche do prazo de admisión de ofertas.

No caso de que o dito día coincida en sábado ou festivo, a apertura das proposicións terá lugar o día hábil seguinte.

Anuncios.

Os anuncios do presente concurso público serán por conta do adxudicatario do contrato.

Santiago de Compostela, 20 de agosto de 2001.

P.D. (Decreto 49/1998, Resolución 19-7-2001)

Manuel Antonio Silva Romero

Secretario xeral do Servizo Galego de Saúde

b) DA ADMINISTRACIÓN LOCAL

CONCELLO DE BECERREÁ

Información pública.

De conformidade con canto se establece no artigo 70.2º da Lei 7/1985, do 2 de abril, reguladora das bases do réxime local e no artigo 48.2º da Lei 1/1997, do 24 de marzo, do solo de Galicia, por medio do presente anuncio faise público que o Pleno do Concello, na súa sesión do 30 de marzo de 2001, aprobou definitivamente a modificación puntual das normas subsidiarias do planeamento municipal, acordo que na súa parte dispositiva resulta do teor literal seguinte:

«Logo dunha breve deliberación e existindo coincidencia entre tódolos grupos políticos sobre a modi-

ficación que se pretende, o Pleno do Concello, por unanimidade e en votación ordinaria, acorda:

Primeiro.-Aprobar definitivamente a modificación puntual das normas subsidiarias do planeamento municipal, co seguinte contido.

Modificación única: variación da delimitación do solo urbano para amplia-lo solo dotacional de equipamento docente (E-1) no contorno do instituto.

Segundo.-Que no presente acordo, na súa parte dispositiva, xunto co articulado das normas se publique no BOP, en cumprimento de canto se establece no artigo 70.2º da Lei 7/1985, do 2 de abril, reguladora das bases de réxime local, publicada, así mesmo, no DOG, de conformidade con canto establece o artigo 48.1º da Lei 1/1997, do 24 de marzo, do solo de Galicia.

Terceiro.-Achegar á Consellería de Política Territorial, Obras Públicas e Vivenda a documentación a que fai referencia o artigo 48.2º da Lei do solo de Galicia».

Entrada en vigor: a modificación aprobada entrará en vigor unha vez publicada no BOP de Lugo e de que transcorra o prazo a que se refire o artigo 48.3º da Lei do solo de Galicia.

Recursos: contra o acordo de aprobación definitiva poderase interpoñer directamente recurso contencioso-administrativo, diante da sala correspondente do Tribunal Superior de Xustiza de Galicia, no prazo de dous meses, contados a partir do día seguinte ó da súa publicación.

Becerreá, 14 de agosto de 2001.

O alcalde
Rubricado

CONCELLO DO CORGO

Anuncio.

O Pleno do Concello, en sesión do 22 de agosto de 2001, aprobou os pregos de cláusulas administrativas particulares que rexerán a contratación, polo procedemento aberto e sistema de concurso das obras de acceso ós núcleos de poboación do Corgo:

- 1) De Casisaldo e Alence.
- 2) de Chousa e Abragán.

Os citados pregos estarán exposto ó público durante 8 días para os efectos de que se poidan presenta-las reclamacións contra eles.

Obxecto do contrato: acceso ós núcleos de poboación do Corgo:

Obra nº 1, Casisaldo e Alence

Obra nº 2, Chousa e Abragán.

Lugar de execución: concello do Corgo.

Prazo de execución: tres meses.